

憶

雲

詞

項蓮先生三十六歲小象



秀羸者兒玲瓏其聲南唐
五季獨抒性靈物外之游
西江與清林間之友東軒
與盟年踰長吉病比馬卿
彼蜍志者流諧笑兮長生

仁和許增謹贊癸巳政七十

憶雲詞序

蓋聞雍門揮弦孟嘗君爲之掩泣桓伊撫箏謝太傅因而殞
泪有觸斯發殆有不能自己者乎予自悼傷目來每讀管人
哀怨之詞則萬感之交集也今煠杭州許邁孫先生重梓其
鄉人憶雲生所爲詞四卷而命予序之予觀其字必色飛語
必魂絕雖皆緣情綺靡之化感遇怨悱之旨而使人鏘鏘洋
洋悽狀目思黯狀目悲凡吾身之所直目之所接纏緜悱惻
煩冤鬱積低徊而不能自言者皆若於是編具焉楚之騷耶
庾之賦耶抑漆室之嘯而韓娥之歌耶雖狀予聞之邁孫憶
雲生家世王謝富埒陶衛則夫吳簫乞食之辱皋廡賃舂之
勞固知免矣狀而奇律莫采逸步終蹶茵溷飄泊關河棲屑
洗馬度江之歎琅邪登山之慟故目叩追遑古俯感來禩况

乎非介推之隱而竟罹焚山之災異湘纍之放而幾有懷沙
之厄積恨銷骨古愁塞胃馘吟自哀湘血彌豔其志其遇蓋
可悲也嗟乎不爲無益之事何日遣有涯之生自序此其詞
中語
之所由傳歟且夫瓠梁託弦目流音思同調也中山聞樂而
屑涕感曼聲也僕本恨人矧當瑟阮水僊不來孤唱誰蘇山
鬼歎美對景忽絕目送浮雲心傷逝川寄愁何處蘊惹無地
撫斯卷也詎能不懷東山而斷腸望西麓而獻弔者哉若夫
呂代興之才而爲起廢之舉篤曠世之誼而抱絕軫之痛補
白石之小傳訂碧山之遺音如吾邁孫者尤近代所罕覩矣
憶雲生安在乎吾將其杯酒目告之光緒癸巳秋九月金匱

鄧灝

項君小傳

仁和譚獻撰

項君鴻祚字蓮生錢唐人道光十二年舉於鄉家世業鹽筴至君漸落性湛然耆古嘗避喧南山讀書僧院就泉看山無復塵念姊聳許文恪公視學江西君偶從之一日游百粵洲意有所感輕舟徑歸不以告也君文辭爾雅詩不多作善填詞幽異竊眇浸淫五代兩宋而擷精弃滓好儼溫韋以下小樂府清逮艸窗夢窗蹊逕旣化自名其家談者比之江淹禊體詩云手訂詞藁矜慎多芟削最後存憶雲詞甲乙丙丁藁四卷行於世先是家被火室燬奉母應文恪之招於京邸途次遇水母與從子皆道殤君蒼黃歸幽憂疾病不自振旣再上春官被放輾轉久遂卒時道光十五年也君詞藁自序一則曰不無累德之言抑亦傷心之極致再則曰不爲無益之

事何以遣有涯之生嗚呼悲矣君原名繼章改名廷紀卒年
三十八歲

憶雲詞甲稿自序

憶雲生自束髮學填詞少作存若干首夫詞者意內而言外也意生言言成聲聲分調亦猶春庚秋蛩氣至則鳴不自知其然也生幼有愁癖故其情豔而苦其感於物也鬱而深速峰巉巉中夜猿嘯復如清湘戛瑟魚沈雁起孤月數明其宵復幽淒則山鬼晨吟瓊妃暮泣風鬟雨鬢相對支離不無累德之言抑亦傷心之極致矣一二知者彊埒我於名勝之後雖復悄然自疑而學之愈篤今乃削墨胥山之雲滌筆娥江之水次爲新編以吟以歎謂之甲稿焉癸未小除夕雨中書

憶雲詞甲藁

錢唐項廷紀蓮生撰

仁和許增邁孫校

點絳脣

秋意

夢怯秋清小屏題徧相息句露濃如雨不響梧桐樹
采藥
闌空是舊吹笙處愁凝佇暗蛩無語涼月隨人去

浪淘沙

元爽有懷

綠酒負金蕉疊鼓春宵小屏風底暗香焦閒夢一牀推不去
夾夾楓橋
往事只魂銷雙鯉迢迢梅萼與我兩無聊
眉樓弓樣月還憶吹簫

減字木蘭萼

湖上春游

清明過了，小雨絲勻隄外艸。倚欄湖邊絮影，萼香共一船。相恩人面曾向第三橋畔見，斜日歸休樓上春寒燕子愁。

東風第一枝

春陰

更不成晴，何曾是暝。飛絲搖漾，殘晝麴塵低蘸。亭蕪茶煙，籠院柳釀萼天氣。早釀得春醲如酒，莫妨他油碧芳期。容易雨疏風驟。紫絮粉模，鶯鶯鋪棟雪迷離。翠岫癡雲著意，商量湘波幾重皺。皺禁寒，作煩想，未管綠鴛鴦瘦。怎知人盡日，恹恹悶過海棠開後。

聲聲慢

春聲擬竹山

賣餠小巷撾鼓深閨合成一片春聲暗逗芳心長隄隱隱車
聲二十四番風訊滿西湖吹散歌聲游倦也正畫樓夾雨滴
碎檐聲 又是紗窗曉霽間鶯同香夢誰簸錢聲燕語鶯囀
中間卻帶鵲聲莫要訴愁不住怕落萼飛盡無聲萼自落減
秋千牆裏笑聲

百字令

春雨閉門悵然成詠

今年春事又怱怱過了畫幰吹絮晝掩薜蘿深院靜愁鎖一
庭香雨蔭碧池塘鬧紅臺榭都是鳩啼處遠山凝翠有人還
憶睂嫵 回想趁月迢船臨風振箏多少閒情緒卻是旗亭
零落後蘊亂酒邊殘誰巷陌餽簫寺門茶鼓總負尋芳侶斷

陽無那錦屏題徧新句

東坡引

闌干愁倚徧幽懷怎消遣看萼梢步閒庭院海棠開一半
海棠開一半綠窗自掩珠幰還卷羅帳揭香衾展繡匳未整
熏鑪煥如何人不見如何人不見

河傳

秋雨

秋雨千縷灑方塘敲枕西堂夜長梧桐葉兒風打窗新涼薄
衾閒半牀愁裏畫屏天樣遠銀燭短夢也無人管怕相
越相恩除非影兒權作伊

南歌子

卓女鑪邊酒崔孃畫裏人一餉楚臺春端詳依舊是瘦
畧身

綺羅香

感舊

幺影逐香池痕浸淥重到藏春朱戶小立牆陰猶認舊題詩
句記西園撲蝶歸來又南浦片颿初去料如今塵滿窗紗佳
期回首碧雲暮 華年渾似流水還怕嘒鵲催老亂鴛無主
一樣東風吹送兩邊愁緒正畫闌紅藥飄殘是前度玉人凭
處賸空庭煙艸淒迷黃昏吹暗雨

臨江仙

有限春宵無限夢夢回依舊難畱淚珠長傍枕函流書來三
月尾鐙盡五更頭 見說而今容易病日高還掩妝樓桃萼
臉薄不禁羞瘦應如我瘦愁莫向人愁

東風第一枝

擬小山

鬪艸庭閒簸錢院靜東風吹滿香絮薄寒尙勒萼期天意似
催春算杏梁歸燕幾曾會相息言語優等閒飛入盧家不帶
離魂同去空自想俊游伴侶又煩惱酒邊心緒驚牋待寫
深情腸斷都無新句初三下九問舊約更誰憑據怕有人蹙
損雙蛾日日畫樓聽雨

瑞雀仙

擬夢窗

漏瓊侵鈿琯正依依夢別小坊幽院熏衣練香輦掩金蟬組
帳密鐙慵翦翠尊自煨未相息柔腸寸斷恨燕翎不寄雲牋
十二碧城天遠蔥蒨螺心睡髻鳳眼橫釵賦情難遣烏絲
淚滿詩寫在舊團扇算曉鷗枝上烘愁澹月曾識秋孌半面

看今宵兩處凭闌是誰病慣

戀繡衾

擬艸窗

漏殘酒醒鐙半昏被池寒檀篆自熏想月轉牆西角悄無人
愁過爽分揉藍幌子餘香在怕如今添了淚痕夢不到梨
筍院任東風吹作碎雲

風入松

擬蛺蝶

垂楊絲雨小窗前溼粉墮香絲東君不是解華主怕恁恁信
了唬鵲要趁棟筍風起送他桃葉舟還每逢三月病懨懨
詩負衍波牋連宵蠟索金蕉飲有篝鐙知我無眠忽憶去年
今夜春寒弟幾樓邊

南浦

詠柳

春水漲谿渾是濛濛昨夜楊花吹徧走馬問章臺長隄外和
雨和煙一片纖絮自舞料應未識相恩怨可惜笑桃人別後
孤負年年青眼 恁他眠起無端好光陰都付小鶯雛燕不
向陌頭看爭知我盡日魂銷腸斷絲絲縷縷幾時繫得東風
轉且去西泠橋畔等萬一樣船重見

水龍吟

詠敗荷

瑤池昨夜新涼一匳環珮秋聲碎多應卷盡晴絲萬縷靜香
十里鷺悵盟寒鴛鴦夢冷畫闌誰倚賸吳娃小艇采芳重到
料比似人蕉萃 可是淩波僊子嫁西風艷妝都洗碧筩喚

酒紅衣試舞舊懽難記怕點清霜怕逢疏雨怕隨流水算關
心只有跳珠鬪亂作相思淚

天香

末麗

紈扇涼輕紗幮月靜嫩陰淺隔庭樹豔雪玲瓏小蓮蔥蒨清
絕自然無暑蘭姨蕙姊可相識蕊珠僊侶最稱晚妝浴後熏
風暗飄窗戶凭闌幾番摘取下瑤階茜裙霑露待翦冰絲
穿就茗甌閒貯莫道羅幃夾短夏攜得瓊芳鬢邊覩一枕秋
香催人夢雨

玉漏遲

題飲水詞後

寄愁何處好金匳怕展紫簫聲杳十幅烏絲寂寞怨琴悽調

猶憶籠香倚醉是舊日承平年少蕉萃早詞牋賦筆半銷衰
艸最憐淥水亭荒曾幾度畱連幾番昏曉玉筍蕤雲付與
後人憑弔君自孤吟山鬼誰念我唳鵲懷抱消瘦了恨血又
添多少

沁園春

詠帳

卷起湘幰是誰畱住巫山片雲愛流蘇百結遙連步障琉璃
四角低壓文裯梅影籠宵楊萼撲畫裏許元來別有春閒思
想自同心撒後不怕黃昏輸他見慣橫陳笑比似紅牆隔
幾層記銷金寒重枕憐雙粲輭綃涼透牀怯初分珠絡明縣
香簫暗滅圍得柔鄉到曉溫無眠夾聽珊瑚鉤響第一銷魂
醉太平

清涼亭聽亞雲校書彈琵琶

橋橫碧汀山圍翠屏小亭弦索淒清襍谿聲樹聲 煙籠鬢
青風吹酒醒幾時待訪雲英趁江船月明

玉漏遲

聞落葉

西風無著處如今閒了斜陽高樹搖落江潭一片亂雅飛去
客息吟商最苦更銷得庾郎愁賦深院宇殘螢斷雁伴人悽
楚 誰憐病枕難禁正颯颯吹來蕭蕭不住采綠前游空有
砌蛩能訴彈指幾番怨恨怕化作漫天碎雨君聽取涼聲又
驚秋算

綺羅香

和碧珊

借病瞞愁判閒作夢單枕又驚春半小揭珠幰隱隱似聞散
歎羅幘重灑淚成鵲錦牋長寄書尋雁莫因循誤了芳華柔
腸能得幾回斷 題紅前事謾省空任香銷粉蠹舞衫歌扇
除卻榴裙瘦盡楚畧誰見防爽約拜月推寒厭晨妝蹋青嫌
遠最無情最是飛鸞曉風吹不轉

浣谿紗

詠竹夫人

慣把橫陳惱謝娘兒家生小住瀟湘虛名賺殺楚襄王 不
爲心靈因底瘦只愁緣盡轉嫌涼恩君欲斷更無腸

徵招

感秋

茂陵不爲傷秋病西風自吹人瘦天闊雁書稀只恨凝蛾裏

麝煙寒易燼。賸斷夢、年年依舊離緒。無端俊游都謫。那禁杯酒。雨驟戰長宵。梧桐樹。葉葉亂捎鴛鴦。任道、莫銷魂到銷魂時候。黃鸝開過。第一是重陽前後。拚夾闌、挑盡篝燈與影兒厮守。

齊天樂

題杞

翠鄉不煥行雲夢。如今畫屏遮斷。霜咽疏鐘。風沈斷漏。依舊
譙樓難見。涼宵曲謫。只月滿樓空。舞慵歌倦。痛惜前歡。研光
幫上茜香滿。佳期容易閒阻。自從銀漢隔天遠。人遠燭釵
閒。情船等。夜約分付。亂蛩新雁。誰憐瘦減。料孤負、年年繡衾
羅薦。願作紅綃。搵盈盈淚眼。

浣谿紗

襍憶

欲寄鸞牋與小蘋空畱鴛語到黃昏幾時飛向苧蘿邨
繡被寒添渾似水篆鑪香燼不成雲每思前事一銷魂

又

曾向西池采玉游可人天氣近中秋半年前事到心頭
今夜夢魂何處去一重幰幕一重愁重重遮斷舊妝樓

采桑子

吳子律索看近詞賦此荅之

霜紅一樹斜陽冷墮葉驚蟬衰艸如煙倦枕支秋夢不全
浮名只爲填詞誤詩酒流連夢月因緣寫入烏絲盡可憐

卜算子

贈蒲卿

綉落小樓寒客散重門靜明月隨人出畫廊曲曲闌干影
淺醉幾曾忺薄睡恩恩醒也似相恩也似愁人比秋風冷

減字木蘭等

春夜聞隔牆歌吹聲

闌珊心緒醉倚綠琴相伴住一枕新愁殘夜綉香月滿樓
絲笙脆管吹得鏡屏春夢遠只有垂楊不放秋千影過牆

湘月

壬午九月避喧於南山之甘露院就泉分茗迢枕看
山相羊浹旬塵念都淨出院不百步越小嶺卽虎跑
也嘗月夜獨遊清寒特甚賦念奴嬌鬲指聲一闋紀
之

繩河一雁帶散雲澹月吹墮秋影風約疏鐘似喚我同醉寺

橋煙景黃葉聲多紅塵夢斷中有檀欒徑空明積水詩愁浩
蕩千頃 乘興欲叩禪關殘螢幾點颭寒星不定清夜湖山
有付與詞客閒來消領跨雀天高盟漚綠淺心事塘蒲冷朔
風狂嘯滿林宿鳥都醒

菩薩蠻

鯉魚風起夫容老金鷺屏展釭籌笑稍覺蓆衣單玉人心裏
寒 瀟湘天一尺蹙破睂峰碧箏雁不能飛悔將情訴伊

浣谿紗

秋夜夢僧數客過趙氏小山堂分韻賦落葉詞余得
斜陽一樹待雅歸之句一座擊節主人淒然泣下醒
而忘其全因足成之

淺幘涼尊事已非西風催換薜蘿衣小山堂下舊人稀 秋

水滿塘隨鷺宿斜陽一樹待雅歸再來惟有夢依依

高陽臺

弔舊曲

麝帶愁香犀帷夢玉金猊煖壓氈氍病怯朝眠涼雲吹度平
湖畫橋煙鎖分攜路正馬嘶殘雨荒蕪更銷凝鷺老鷺稀雁
到書無離情不恨吹橫簫恨琴邊枕瘦酒後鐙孤側帽垂
鞭臨風可柰清臞綠楊天半紅泥閣數舊人惟有等奴待重
游怕聽鉤闌弔月啼蛄

江城明月引

是誰淡院夜調笙霧冥冥月盈盈過了燒鐙時節峭風輕幾
日後堂新攏鎖閒繡誼冷絳窗掩畫屏畫屏畫屏最無情
天又明寒漸生喚也喚也喚不應一枕春醒偏我銷魂人聽

賣萼聲碎翦夢雲裁恨句尋曉燕盼昏雅寄與卿

點絳脣

一撿東風杜鵑催去鷺畱住澹煙散雨春在萼飛去彈指
光陰又是佳期誤長亭算恨無重數芳艸天涯路

朝中措

翠蛾輕暈鬪春紅香煥燕泥融撾鼓新煙院落吹簫澹月幰
櫳清明過了萼朝過了宿酒頻中幾日小屏閒睡綠陰夏
比愁濃

醉太平

有憶

詩魔酒魔愁過病過撩人一段橫波喚卿卿奈何池喧綠
荷牆圍碧蘿驟涼亭院風多近黃昏睡那

又

朱顏醉酡青衫淚多一生閒裏消磨問人生幾何
新詩編
哦等梢日矧點鐙時候難過掩紗窗夢佗

燭影搖紅

元夕臥病不出

疊鼓收寒試鐙風小珠簾卷玉梅消瘦倚窗枝蟾月窺人淺
十里銀笙細管簇行雲銅街繡輦不如休去等影重門繡星
一院
誰念何郎宿醒未解吟詩倦枕屏清淚濺瀟湘蜜炬
香心短閒裏華年自換漏沈沈天長信遠春眠困頓猶夢娑
娑舞蔥歌禱

玉樓春

春夜海棠零下作

燕子來時天已暝海棠開後寒猶勁片雲籠月月籠尋尋下
珠簾簾外影銀燭點殘芳酒冷茶蘼枕上餘香靚玉兒春
睡太瞢騰一更東風吹不醒

清平樂

池上納涼

水天清話院靜人銷夏蠟炬風搖幰不下竹影半牆如畫
醉來扶上桃笙熟羅扇子涼輕一霎荷塘過雨明朝便是秋
聲

浣谿紗

閨中銷夏詞

嫋嫋風前玉一枝銷魂人變比肩時素馨尋壓鬢雲垂午
枕生涼便楚簾夜鐙敲雨試滇碁些兒閒事又眠遲

又

鏡檻書牀共綠陰
蕙鑪煙裊畫愔愔
蕭閒不受一塵侵
玉雪輕甌挑茗眼
烏絲小字習琴心
更攜紈扇索新吟

齊天樂

聽雪

金鈴犬吠籠鸚鵡
唾紗窗
驟添寒緒
斗帳圍香篝
鐙倚煥
預覩
撥春新句
吟情正苦
更索索疑風
蕭蕭似雨
謾搗紅冰
相思卻到
斷腸處
東闌有人步玉
恨鋪平蘚
徑好事偏阻
雁闊書稀
烏棲檐靜
凍澀五更
更鼓纔聽
又住怕壓損
階前小梅
一樹向曉
開幰滿天
都是絮

摸魚子

殘春湖上薄游

正鴛機杼明畫錦雨絲織到愁處杏鈿狼藉青蕪國前度鳳
鉤香汚湖上路問孤負良辰美景誰院宇殘簫倦鼓牘占岬
輕橈垂幰小楸煙柳短橋茸空贏得采壁畱題秀句淒涼
醉玉風度舊時繫馬門前樹一片綠陰吹霧聽燕語謾說道
薔薇後約今在否銀箏自誼儘付與紅兒酒邊緩唱忍淚看
春去

太常引

野桃開後柳飛絲長自負春妍費盡買琴錢禁多少風天雨
天碧城十二紅橋廿四往事總淒然夢也不曾圓只檐月
看人自眠

蘭陵王

春晚

晚陰薄人在茶蘼院落秋千罷還倚鎖窗等雨和煙冷銀索
近來情緒惡遮莫青春過卻單衣減沈水白熏酒病經年怯
孤酌 低低燕穿幕任牋綠綃紅心事難託柳絲倚夢輕漂
泊歎衾鳳羞展鏡鸞空掩忽量睡也怎睡著恨依舊寂寞
妝閣閉魚鑰怕唱到陽關簫譜慵學灰占蛛喜朝靈鵲只目
斷千里錦飄天角玲瓏幃月照見我又瘦削

祝英臺近

自題填詞圖

展香牋斟綠醕相對兩眉嫵笑問多情甘作小紅否幾曾奉
旨填詞偷聲減字便消受華年一度 自吟苦任教采壁旗
亭爭唱玉田句金縷琵琶鳴咽怨秋雨可憐青兕今生封侯
無分儘修得劉郎等語

憶雲詞甲橐

憶雲詞乙藁自序

余嘗集癸未以前之詞爲一卷自序而刻之甲申至今四五年來復得數十闕因次第成續藁編以甲乙從吳夢窗例也近口江南諸子競尙填詞辨韻辨律翕然同聲幾使姜張頰首及觀其箸述往往不逮所言而弁首之辭以多爲貴心竊病之余性疏慢不能過自刻繩但取文從字順而止削藁旣竣仍自識數語雅不欲與諸子抗衡又何敢邀名公鑒賞耶戊子十一月十七日小墨林書

憶雲詞乙稟

錢唐項廷紀蓮生撰

仁和許增邁孫校

南浦

春水追和張玉田韵

一片縠紋柔釣船開畫出銀塘初曉
等雨颺散瀾東風靜鏡裏山眉濃
埽皺紅皺碧樓臺倒影朱闌小
幾日鬢頭新漲燠沁溼護隄芳艸
最憐賦別江郎正綠波南浦銷魂
未了雙槳送桃根眠漚認還是湔
裙曾到相恩渺渺武陵重去僊源
悄柳下輕萍纔數點昨夜絮飛多少

高陽臺

詠馬湘蘭硯硯背有雙眼并王百谷小篆星星二字

馬自銘云百谷之品天生妙質伊以惠我長居蘭室

豔曲題裙

明鄭之文作白練裙院本演百谷湘蘭故事

清聲碎玉

湘蘭理鬢墮一實釵徐語侍兒

日久不聞消磨何限歡場俠骨飄蕭當時畱贈蕭娘雲腴鏡

得如人膩埽輕塵澹寫瀟湘好收藏小字星星舊署王昌

銀鉤慣寄相思札問頭陀知否

百谷有小印曰王頭陀

宿願應償淚眼

盈盈紅絲不繫柔腸可憐片石經塵劫數秣陵遺事蒼涼最

難忘煙月妝樓孔雀庵旁

湘蘭故居在金陵孔雀庵側

疏影

餠梅

南枝凍折映秋屏素兒還帶殘雪縹粉新瓷畱貯春痕不管

麗譙吹徹金尊記向西園醉甚容易酒闌歌闕正相思忽到

窗前小占畫幃香月休憶宮檐舊事無風先自墮幽恨層

疊倚徧危闌夢徧重衾不是籬邊時節一般也有橫斜影伴
寒夜短檠孤絕怕倩魂空繞羅浮卻是故人初別

浣谿紗

青粉牆低柳倚門疏幰斜入燕尋人最難消遣是深春閒
凭繡牀息夢笑怕繡簫謹見曉痕櫻桃等下又黃昏

齊天樂

宿雨初收春游尙阻賦此遣懷

溼雲初放紅樓曉絲絲雨殘猶隕澹寫山眉輕籠日腳笑我
清游無分餘寒尙緊恁纔過春分海棠吹盡忽憶蘇隄香泥
多少韞塵印閒愁幾番自遣一鳩曉午寂難寄芳訊小市
評誇幽坊換酒誰念鬻茶風韵蟾蜍硯潤記采壁題名舊時
疏俊待約明朝刺船應未穩

點絳脣

秋晚登吳山邃秀堂王道士芳谷畱飲至月上

雨後鳴蟬晚天雲破柴窰碧道人畱客一笑綸巾側 缺月
飛來挂在疏林隙秋無迹倚闌橫篴酒醒散涼入

謁金門

湖上暮秋

秋水漫疊陳怯波分散烏桕紅飛霜葉亂夕陽山一半 雲
被晚鐘敲斷兩兩歸舟相喚煙月滿湖人不覺畫橈齊占岼

減字木蘭萼

江干雪意

雲低天重銀海無聲千頃凍一抹炊煙凝在疏林小市邊
詩情跌宕何必灞橋驢背上乘興來游更著蓑衣喚釣舟

菩薩蠻

春靜

春寒不度垂楊樹
風幺澹澹吹香絮
霏雨午天晴
隔簾聞笑聲
嫩篴散解籜
鏡檻新陰薄
斷續水沈煙
燕窺人晝眠
燭影搖紅

鐙下聽琴娘吹洞簫窗外雨聲閒作

潤澀琴絲暗敲窗
竹人初定膽
餅清瘦小桃枝
屏底娟娟影
象局嬌嫌裏
冷倚瓊簫閒
銷爽永紅牙
按到自琢新詞
緩吟
納聽
搖曳無端
恰如煙裊
沈香鼎
曲中約略度殘更
淅淅
檐聲靜錦瑟
華年謾省笑
何曾柔鄉醉醒
歌樓銀燭
第一難
忘恁時風景

菩薩蠻

彈琵琶

檀槽絢響龍香撥玉纖攏裏雙條脫
深院落琴天鷺唳楊柳煙驟如風雨
歇萬里關山月眉黛一痕愁湘雲入鬢流

朝中措

秋海棠

片時春睡夢難尋重見短牆陰
一搗綠肥紅瘦斷腸偏是而今
燕支澹注雨中人遠畫裏愁深
倚醉漫燒銀燭砌蛩訴出秋心

攤破浣谿紗

渡江作

爲有雲屏無限嬌碧紗如夢看吹簫銀燭剪殘
琴氣煥憶春宵半醉半醒何處去背人獨自上
蘭橈今夜離魂隨別恨

趁回潮

太常引

客中聞歌

杏萼開了燕飛忙正是好春光偏是好春光者幾日風淒雨
涼楊枝飄泊桃根嬌小獨自箇思量剛待不思量吹一片
簫聲過牆

洞仙歌

得家書

櫻桃帶雨近窗櫺低亞閒裏恩恩過春社正高城畫角吹夢
無端天漸曉夢到水精簾下夢殘鶯喚起卻道書來小印
分明玉人寫冷語最銷魂萼待郎歸待郎歸可憐萼謝若畱
得西湖桺絲兒定說與卿卿似儂游冶

虞美人

歸自越中

畫船打槳催將去，愁聽烏篷雨。越王臺上夢迢迢，人在亂鴛聲裏，過尋朝。歸來重見東風面，楊柳青如綫。碧桃還有幾分畱，爲我一春湖上，不曾游。

百字令

將游駕湖作此畱別

嘯鷺催去，便輕颿東下。居然游子我，似春風無管束，何必揚舠千里。官柳初垂，野棠未落，纔近清明耳。歸期自問也，應芍藥開矣。且去范蠡橋邊，試盟瀕鷺，領略江湖味。須信西冷難夢到，相隔幾重煙水。翦燭窗前，吹簫樓上，明日思量起。津亭回望，夕陽紅在船尾。

點絳脣

煙雨樓

白鷺飛回綠楊絲外輕颿轉水平邨遠一鏡菱萼滿 賦別
江淹已是登臨倦無人管夕陽幰卷風裏漁歌斷

木蘭萼慢

夜過吳江

榜聲搖澹月正人在洞庭船望笠澤茫茫長隄暗柳曾住詞
仙當年俊游記否喚銀簫吹綠一江煙賸我詩愁萬頃片颿
直上壺天 流連玉界瓊田清露下水紋圓怕酒醒波遠醉
魂空戀第四橋邊淒然五湖舊約歎鱸鄉信美尙無緣風外
魚鐙幾點夜深涼照漚眠

江城子

吳門夾泊

金閶門外柳千條駐蘭橈度涼宵可惜涼宵都付與無聊試
喚吳孃歌一曲風又起雨瀟瀟雙鬟低映燭光搖似顰嬌
最魂銷今夾魂銷明日隔楓橋城上烏嘯催酒醒人去也自
吹簫

滿江紅

渡揚子江

鐵甕城開何處是紫髯天下流不盡英雄遺恨寒濤激射雙
槳吳船輕似燕千尋濁浪高于馬看危磯徑轉妙高臺山如
畫驟雨歇長虹挂風漸緊雲成赭喚江斐起舞魚龍悲咤
瓜步洲邊新月上茱萸灣口孤颿卸聽寺樓鐘鼓落篷窗無
眠爽

揚州慢

廣陵舟次

脫葉辭螢涼波送雁繫船野畝疏林望重城靜鎖聽斷續寒
碓且隨分江湖落拓二分明月閒到如今謾多情紅裏琵琶
彈破愁吟 竹西舊館太荒寒休去登臨縱畫舫垂鐙朱闌
喚酒都是傷心我亦風流秦七青樓遠有夢難尋賸隋隄楊
柳吳霜染得秋深

浣谿紗

紅橋步衍波詞韵

水近雷塘緩緩流綠楊風軟不知秋教人無賴是揚州 畫
舫載來歌舞夢玉簫吹破古今愁舊時明月照迷樓

三犯渡江雲

余今年二月客山陰三月客禾中四月七月一再至
吳門遂北渡揚子游金焦兩山畱維揚六日竭來故
山悅焉如夢塵衣未浣又爲豫章之行登舟惘惘破
舷而歌彌覺旅懷之淒黯矣

斷潮流月去柁樓碎語侵曉挂颿初一行沙上雁又被西風
吹影落江湖紅牆漸遠拂征衣自歎清臞最淒涼疏萍賸稷
飄泊意何如 愁余黃髮舊徑修竹吾廬是離魂來處料此
後詩邊酒冷夢裏鐙孤停船莫近投書浦況路長容易無書
歸僂早今年總負鱸魚

齊天樂

過釣臺

畫眉喚客停船算空祠尙臨寒渚絡徑藤荒支亭石斷茆屋

兩閒誰住羊裘在否算如此青山儘容漁父賸我閒來綠尊
聊爲酌芳醕登臨試尋舊迹是參軍去國晞髮歌處七里
灘聲一江颿影閱盡斜陽今古天涯倦旅問何日歸休再盟
溫鷺只恐先生厭人行役苦

河傳

澱水道中

風轉颿卷日西斜人在天涯憶家疏疏柳絲攢暮鴉紅些練
波明斷霞休倚闌干船去泊心緒惡何況暑如削酒纔醒
愁又生誰聽琵琶不肯停

上西樓

蘭谿書所見

榜聲約住迴瀾夕陽殘人倚嫩涼船尾小紅闌歌一曲橫

波綠向誰看香壓鬢雲斜插折枝蘭

霜天曉角

玉山曉行

征鐸郎當點輕衫露涼賣酒人家未起殘月在柳梢黃行
裝詩半囊夢回息故鄉秋到屏風關外吹一路野萼香

一萼紅

瑞洪雨夾有懷

旅魂驚正黿鼉催浪彭蠡暗潮生隔浦疏林沿江敗葦蕭颯
齊作秋聲壓篷背積雲似墨灑一天涼雨雁從橫戍角初吹
邨砧漸遠漁火還明何事流連吳楚歎銷磨多少風月淒
清倦枕支愁寒衾貯夢客路到處傷情想今夾孤舟漂泊更
有人樓上數殘更應是玉釵敲斷難問歸程

八聲甘州

重陽游百雩洲

更不須攜酒看黃鸞淒涼勝游稀但蘇翁圖外藏雅納柳相對依依回憶西湖舊夢秋水浸漁磯今日登臨地風景都非
自折茱萸簪帽歎沈疇瘦減淚滿茱衣況天涯兄弟不似
鴈同飛誤江樓玉人凝佇盼歸舟我尙未能歸休悵望有關
干處總是斜暉

水龍吟

秋聲

西風已是難聽如何又著芭蕉雨泠泠暗起淅淅漸緊蕭蕭
忽住候館疏砧高城斷鼓和成淒楚想亭皋木落洞庭波遠
渾不見愁來處 此際頻驚倦旅爽初長歸程夢阻砌蛩自

小意詩乙二
歎邊鴻自唳翦燈誰語莫便傷心可憐秋到無聲更苦滿寒
江賸有黃蘆萬頃卷離魂去

壺中天

灌嬰城

樊陽屯後擁犀渠十萬販繒人也今日黃城餘舊壘風雨卷
旗飄瓦垓下追兵潁陰封爵功亦韓彭亞將軍已矣廢祠誰
奠杯罍憶昔此地連營臨江百雉戰鼓寒潮打回首斷煙
衰艸外空有荒池洗馬入粵弓刀平吳歲月且聽漁樵話女
牆猶在亂鳥嘯破秋爽

又

梅仙祠

市門再見似千年元寇蹙來華表一尉居然稱吏隱從古神

仙官小丹井泉溪石幢苔冷絕壁銜殘照山中匣劍夜寒猶
自孤嘯歎息狐鼠從橫論姦抗疏心豈無廊廟玉馬銅駝
驚轉眼愁望五陵煙艸巔上吹笙雲閒飛鳥攜手成同調最
憐佳壻羊裘六月垂釣

又

鐵柱宮

神州聖鐵鑄東南底柱地維穿破井沸生瀾通海氣中有老
蛟愁臥八索鉤連孤根撐柱不許狂濤簸霓旌羽節至今靈
廟猶安我欲試揆重溟螭文手拓只赤風雷墮斗劍星紅
蟠殿壁十二洪鑪積火挂屨遺楓游帷舊觀歷劫難摧挫五
丁驚詫浮州萬古長鑠

又

滕王閣

千年傑閣笑三王以後都無文筆幸有西山看不足天外修
眉漾碧鳬渚雲迷龍沙艸沒俛仰成今昔閱人多矣颿檣倚
檻如櫛可惜蜺蜺飄蓋故宮羅綺雨打闌干溼莫望蓼洲
東去路愁入江樓夜筵勝地淒涼倦遊漂泊鄉淚頻霑臆馬
當風駛幾時一送歸客

又

寫韻軒

衍波玉潤寫銀鉤葉葉點商分羽修到神仙貧亦好寄食幸
逢鄒舉畫閣籠煙湘幰映水一硯瀛洲雨烏絲墨妙只今流
落如許當日鏡檻書牀朝朝算算便是瑤臺侶甲帳繡襦
甘小謫何況世閒兒女紫極人歸青林虎嘯遺迹城南路爽

涼應有佩環月下來去

又

蘇翁圃

身將隱矣識故人無恙灌園差樂世事原非吾輩了且向南
州棲託半畝斜陽一鉏野水別自成邱壑柴門土鏗著書應
是儻約謾教車騎重來請從此逝高舉隨黃鵠老圃空依
徐穉宅誰薦秋風葵藿萬柳隄荒百粵洲冷煙月長蕭索舊
盟溫鷺鷥偶然飛下寥廓

徵招

丙戌除夕

江城幾度聽簫鼓看看又過除夕擁被不成眠更寒侵幃隙
蠟鐙搖瘦碧第一度淒涼今日紅裏尊前玉梅窗底有人相

憶 岑寂送華年青衫上
鬢亂粉香猶溼鏡卜總無憑
斷天涯消息可憐歸未得
怕明歲依然爲客判檢點
十萬鸞牋記倦游蹤迹

清平樂

元夜作

畫樓吹角酒醒鐙
萼落梅未開殘風又惡
今日元宵過卻
戛戛鼓淒涼翠綃彈淚
千行併作一江春水
幾時流到錢唐

菩薩蠻

偶成小令

艸薰風煥天涯路
清明寒食青春度
何處驟騎驄
玉樓人夢中
一窗零弄影
半被餘香冷
不是倦
惓眠起來依舊閒

一枝春

早春用艸窗韵

輕暝籠寒卷幰遲寂寞收鐙風雨芳游謾數不是近來心緒
梅鈿杏粉漸看到柳枝睂嫵空自把尋惱何郎引得翠鄉愁
聚茸窗舊時眠處愛濃熏寶屑閒歌金縷龍香麝紙記與
絢翻笙謹梨雲夢煥甚容易燕鶯嬌妒誰更在絲障銀屏醉
聽俊語

埽萼游

寓齋海棠開時正值風雨

畫檐翠溼柰幾陣餘寒嫩紅如埽采香徑悄閒鶯幰燕戶賸
壽多少淚染情絲尙憶華清睡好黯懷抱任亭角灰深銀燭
休照芳事虛負了任錦障重圍綠雲迷曉瘦枝謾拗便輕

陰再乞可憐粵老不是無詩極目江南路杳送愁到掩紋窗
雨斜風峭

天香

龍涎香

玉唾含漿珠胎濺沫驪淵未醒癡睡碾月肌明鏤冰骨軟不
數鷓鴣班新製銀膏淺炷應化作鮫人鉛淚螺甲重添活火鱗
鱗翠幺風細涼宵水紋漫被漾空濛海天雲氣夏好鳳團
閒對麝壓初試一自星槎去遠賸髣髴吳家斷腸字冷抱熏
鑪蓬山夢裏

水龍吟

白蓮

綠僊羣按霓裳冰肌不染人間暑宿醒初解穠妝淨洗嫣然

笑語抱月生香淩波弄影晚涼散步自移根玉井芳心更澹
只合向瑤臺住 十里明璫翠羽最難分野塘漚鷺擢歌聲
裏雲鬟蕩槳煙籠似霧莫遣西風片時吹作碎瓊飛舞愛秋
容豔絕一枝開近蓼萼紅處

摸魚子

萼

又怱怱楚鄉秋到吳儂清興千里詩人但說芹羹好何似鱸
鄉風味明鏡裏漾點點么荷半卷冰絲綴筠籃帶水正碧蒲
初殘烏菱漸老小摘挂船尾 檣旗展笑比春茶上市輸他
酪乳爭美紅鹽細糝凝脂滑香滿一匙生翠因底事應恠我
經年總未成歸計于今倦矣憶蟹舍鐙前魚牀篷外晚飯其
菰米

齊天樂

蟬

山童莫唱青林樂。清商暗吹愁到桐翠。垂檐槐黃糝徑吟斷。
露昏煙曉。疏幰夢覺。待寫入琴絲和成。悵調冷落。齊紈一襟。
哀怨更誰弔。年年蛻痕未換。賸西風鬢影難寄。幽抱碧樹。
無情斜陽易晚。消受淒涼多少。餘音自嫋。忍喚得秋來頓教。
秋老漫約孤蛩背。鐙灑爽悄。

桂枝香

蟹

漁莊舴側。正水落遠汀。殘霧收白。漸見香秔刈了。繡匡齊出。
緯蕭爽占爬沙路。葦鵲深。碎鐙搖碧。楚霜初飽。還愁解甲暗。
隨潮汐。白玉局清吟。換得喜斫雪。雙螯同醉。芳液應是紅。

薑約擣綠橙親擘江湖歲晚無腸斷對西風何限相憶竹根
賸雨時時空認艸泥行迹

點絳脣

初歸有贈

輕櫂歸來與君重看西湖月落萼時節彈指經年別 柳葉
雙蛾纔展東風結相恩切酒闌歌闌絢向鐙前說

滿庭芳

過皋園有感

巷角疏篁城灣賸水壞牆深鎖愁煙獸鑲自掩饑雀啄落錢
風埽回廊敗葉斜陽外喬木依然虛堂冷闌干翠溼詩壁篆
蝸涎 平泉行樂地紅羅買笑碧玉供筵算鏡檻夫容猶似
人妍休問樓中燕子有黃金難鑄飛仙還知否秋墳夜月空

到綠窗前

齊天樂

南湖徐氏水樓在慧雲寺側倪米樓顏曰雩隱宋芝
山爲之作圖一時朋簪游讌酬倡最多纔十餘年事
耳近日湖山詞客強半凋謝惟西齋李子猶記鴻雪
舊痕值汪又邨出示此圖相與展卷畱連劇譚往事
前塵隱約率爾繼聲玉筍薶雲醉魂未醒溪有愴于
余懷也

碧雲低蘸紅樓影如今倚樓人遠賣酒鑪空題詩壁壞
落粉匳香枕綠深夢淺恨彈指西風候蛩悽斷莫問南湖一袈
裟地更誰管當時何限俊侶算填詞李十能遡懽讌巷口
斜陽灣頭賸水記與徐孃初見重開畫卷認幾曲疏幰那回

曾卷柳已無多曉雅颺到晚

鶚颺序

春殘念遠用夢窗韵

晴窗峭寒驟減掩茶蘼翠戶曉陰薄步履前廊漸覺芳訊避
算繞闌見將雛燕老榆煙漠漠鶚颺樹黯離懷衫袂東風乍
霑飛絮最憶西泠畫舫載酒倚垂楊綠霧鈿波暎隄上宮
眉錦鱗曾寄情素任人間愁淡似海儘銷入檀牙金縷趁斜
陽輕權歸來不驚漚鷺評等小檣待月虛幰總未經鴈旅
何況有粉圍香陳漏永鐙燼擣夢生雲碾春成雨京綃半臂
吳綾雙枕如今都是銷魂處悔無端短楫秋江渡旗亭悵望
天涯艸又青青采壁淚滿塵土鵲催碧暗蛭怨紅稀歎客
衣換苧但想像鵲頭睡韞雛尾熏鑪冷落瓊臺醉歌醒舞息

量颯寄同心
梔子知君應
夏蕉萃苦莫
淒涼長傷秦
箏柱新詞自
摺筠牋暝寫
晨吟阿環噓
否

憶雲詞乙稿

憶雲詞丙橐自序

已丑冬編次近作爲丙橐未授梓弊廬不戒於火弱骨成灰
藏書略盡遑問詞哉夫丙位南方火象也丙橐垂成而燬殆
有先幾焉嗣是疊遭家難索居尠懽追憶前塵十遺八九合
寅卯辰巳所作僅有此數錄刊一卷仍列甲乙之後嗟乎不
爲無益之事何以遣有涯之生時異境遷結習不改霜鬢腴
之臙橐念奴嬌之過腔茫茫誰復知者俛仰生平百端交集
正不獨此事而已甲午人日記於焦琴舊館

憶雲詞內彙

錢塘項廷紀蓮生撰

仁和許增邁孫校

繡鸞鳳鸞犯

鴛鴦梅

似江妃樓東再見冰綃搵紅淚靚妝偎倚占第一春風獨步
羅綺青禽知也未任揀取枝南枝北雙栖明月裏芳心冷
處轉情多修禡謹合喚同根連理窗影澹誰解畫兩般姿媚
銷魂是露寒裏薄怎攜手無言嬌又醉清夢覺重勻脂粉凭
闌斜照水

玉胡蝶

玉蜨梅

錯認滕王牘
稟禁寒翅
軟膩粉輕勻
幾筆疏枝冷
藥細寫春
痕翠尊空吹
殘鈿筦金屋
遠化盡羅裙
揜重門游蠡
未覺劒舞黃昏
前身玉簪小
隊偷將絮雪
綰住梨雲莫
便驚飛艸堂
猶有寄詩人
香澹薄可憐
是夢影迷離
何處招魂且
溫存綠陰青
子難翦愁根

鵲橋仙

卽席戲詠瓜子

薄繖勝葉輕
纔如豆也似
量珠論斗春
蔥細擘玉纖
纖儘消受茶前
酒後相恩一
點合懽雙剖
擲向檀奴衫
裏十三剛是
破瓜時怕裏
許人還未有

蘇幕遮

七夕詞

簾搖鸞鑪引穗月未團圓人有團圓意蘭葉吹香秋旖旎昨
夜星辰尙隔盈盈水 斷腸天攜手地駢女癡兒何處干卿
事巧極可憐無巧計依樣胡盧明日相思起

生查子

堂前綠玉卮門外青絲鞵妾淚幾時晴郎去何曾送 小雨
續輕寒淺醉聯殘夢睡損鬢心螺敲折釵頭鳳

風入松

生香吹散錦熏籠門掩綠陰中籌鸞鬪艸年年事今年怎事
事疏慵桃葉輕隨逝水柳枝瘦舞迴風 月明應笑畫堂空
小閣睡娃僮新愁隔斷相思路湘羅揜難寄曉紅不恨尋春
較晚可憐俱是飛蓬

八聲甘州

黃葉樓賦夕陽

界斜紅颺出晚晴天相看轉悽然甚恩恩只是橫催雁陳低
照漚眠樹外山眉襯黛遠道艸芊芊一段蒼茫意都付樊川
漢闕秦宮何處送幾聲畫角吹老華年儘懽游長好到此
黯流連倚江樓玉人凝望帶西風帆影落窗前愁無限近黃
昏也新月籠煙

臺城路

三十六鴛鴦閣賦蓼萼

采香吟老蘋洲綠疏萼細垂涼穗苻蔓分肥蘆根比瘦添了
橫塘秋意鉛華勑洗怎未到飄蕭白憐蕉萃小立蜻蜓冷煙
紅颺夕陽碎 明明翠綃聚淚短篷凝望處離恨難寄怨碧
江離愁黃浦柳一槎飛蓬身世沙頭岸尾蘼幾筆燕支水邨

圖裏倒影漣波欲扶扶不起

西子妝慢

春盡聞湖上游人如織述夢窗自度腔寫懷

支枕宿醒繫船冶思細數
驚風餘幾卷幰卻待燕歸來問西
湖綠陰濃未愁羅怨綺總不
刪絲華夢裏最無情是麴塵吹
粉萍波流膩清游地可惜
恩恩忍把韶光棄鼓殘簫勸送
黃昏賸淒涼六橋煙水閒門
自閉有誰識看鸞心事正銷凝
一片嘯雅喚起

疏影

聽琴娘彈碧天秋思之曲

天空夜寂蕩冷雲萬頃飛上層碧
不信人閒容易西風齊州
九點煙隔瓊樓玉宇應難到算
惟有嫦娥知得待月明控鶴

歸來說與此時游歷 多事移商換徵悄驚塵夢遠無限幽
憶杳杳悠悠作盡秋聲拗折冰弦誰惜還愁縞袂淩波去卻
似泛清湘瑤瑟怕淚痕暗漬金徽盼斷廣寒消息

祝英臺近

鏡紅銷衾翠擁聲影度窗縫斜柄鐙淚慣作隔幰夢怪他箏
雁年華暗中偷覺更閒把玉鉤攷控 謾調弄暫時見也關
心何況兩情重誰料僂晨雙槳渡頭送井闌一樹梧桐快催
疏雨好畱住綠毛幺鳳

燭影搖紅

庚寅秋感

風葉堆廊露落凝砌秋涼早不關情處猛相恩曾印雙鷺小
彈指懽悰似埽翠幰空房巢靜窈窕秋千影裏一徑蘼蕪蟋蟀

嗟老 休展金匳淚痕猶沁新詩藁曲屏低枕臥湘煙紅破
燈零笑錦瑟華年過了醉還醒愁多夢少斷魂尋去只有銀
蟾夜深偷照

浪淘沙

養疴睡石山莊

池面綠生渦雨打殘荷茶煙風細漾微波枕簟新涼人淺醉
無奈秋何 嬾去聽笙歌心事銷磨芭蕉聲到睡時多紈扇
紗幮休憶著只夢漁蓑

臺城路

詠螢

暝煙寒飈秋星碧低低傍幰穿戶露洗還明風吹不滅團扇
輕教黏住迷藏院宇正蟾月窺人又無尋處畫燭銀屏墜懼

空有碎蛩訴 清宵漏長夢阻悄驚梧葉下涼影飛度瘦竹
虛廊枯蘭斷蛩曾照離魂歸去相慰更苦任塵黯書鐙練囊
誰貯解認前生艸根栖暗雨

水龍吟

魂

幾時飛上瑤京月中環佩珊珊靜朦朧似醉悠揚似夢迷離
似影真箇曾銷黯然欲別淒涼誰省寄相慰只在黃泉碧落
聽一片唳鵲冷 楚些歌殘漏永翠幰空篆香溫鼎梨雲罩
夜絮煙籠曉梧陰弄暝來不分明去無憑据舊情難證待亭
亭倩女前邨緩步喚春風醒

浣谿紗

風蹴飛萼上繡茵柳絲無力絆殘春今年時節去年人 蟬

錦暗銷雙枕淚雁弦愁鎖一等塵不覺前事亦傷神

西江月

翠被香添夜夜璫窗人喚卿卿如今不是舊風情愁醉愁眠
愁醒 倚幌疏鐙明滅過牆殘燼淒涼夢隨涼月繞階行踏
碎一枝零影

憶舊游

湖樓閒望偶成此解不知詞之所以然

記衫籠翠羽裏拂烏絲淺醉閒吟步履西邨近正甦甦細柳
搖颺春陰畫閣有人垂手香裊繡幰深只燕子還來應從那
日看到如今 重尋舊游地賸一樹櫻桃落盡紅心羅襪
蟲蠹況歌紉舞綺事事銷沈莫倚夕陽闌檻愁黛蹙遙岑待
夢繞煙蕪娟娟月上寒又侵

踏莎行

檳榔

雀舌斑明麝臍香軟并刀薄碾夫容片扶畱蜃炭共金盤唾
絨紅暈燕支淺 味外酸鹹閒中茗荈苦寒忍把春酣換如
今藥裏自關心不加餐也無人管

又

豆蔻

蟬碧分胎鴛黃破蕾雙心鈿合慙勸惠錦書封了又重題問
誰嘗慣相恩味 酒後吟慳茶邊語細口香沁夢行雲膩冬
郎蕉萃已經年翠梢空結束風淚

點絳脣

夜坐

小院秋清後堂卻下葳蕤鎖玉簪斜軀老桂餘香墮 總是
無眠判得終宵坐風吹過一星螢火來照淒涼我

徵招

年來江湖詞客子律西齋頻伽相繼下世余以多難
閉門騷屑特甚倚聲及此蓋不獨牙琴之悲黃壚之
痛也

冷鵲唳落西湖月詞人可憐俱老玉筍總埋雲賸秋風殘照
薄游懽意少忍重展烏絲遺藁竹屋蕢洲酒邊尋外黯然懷
抱 愁艸揜閒門知音絕誰聽怨琴悽調暗葦泣孤蛩耿窗
鐙寒峭角巾歸去好定還共夜臺歌嘯醉魂遠翦紙難招悔
相逢不早

浪淘沙

寫悶

蘭燼鮑湘屏蛛網幰釘林鶯捎落護等鈴撒盡榆錢飄盡絮
春也蕤星月又上窗櫺風又冷冷墜懽如夢不曾醒只有
烏龍眠自在綠艸閒庭

玉漏遲

冬夜聞南隣笙歌達曙

病多懽意淺空篝素被伴人悽惋巷曲誰家徹友錦堂高譙
一片氍毹月冷料鐙影衣香烘暖嫌漏短漏長卻在者邊庭
院沈郎瘦已經年更嬾拂冰絲賦情難遣總是無眠聽到
遂慵簫勑咫尺銀屏笑語早檐角驚鳥唬亂殘夢遠聲聲曉
鐘敲斷

壺中天

琴心閣書感

螺屏翠疊幾重山，淺畫憶他消。嫵柳外斜陽，幾上月都是西風吹去。幰軸雙鉤，鏡奩單鎖，鈔牋閒情賦。瘦琴支枕臥，簫誰理。塵謹。天際望，杳鱗雲錦書，不寄涼雁。鳴煙艣我未離家，心似客愁在。無人知處，病怯鏡明，困銷茶蘼。灰冷芙蓉，炷黃昏，又聽竹梢彈碎秋雨。

燭影搖紅

讀山中白雲詞，恨西風不庇寒蟬，便掃盡一林殘葉。愴然振觸，余懷也。

鶴怨猿驚，訪隣尋里都非舊。款門溪竹一枝無，莫問堂前柳。梁燕移巢去久，土鷗斑蒼落，半畝煮茶院落。燒筍光陰，幾時能又。卷盡荷錢，拗蓮作寸，還傷萬不如。蒲葦早飄蕭，卻待

秋風後邴更當歌對酒算空畱千金散帚向人青眼只有西
山倚闌窺牖

秦樓月

十二月十五夜舟過石門作是日立春

淒涼夕月時春夢來無迹來無迹醒時難說睡時難覩
櫓枝搖碎湖天碧月圓偏照孤舟客孤舟客玉梅窗底有人相
憶

臺城路

大雪過太湖

冷吟漸入梅萼夢悽悽雁聲催曉溼重帆遲波凝岸寂碎瀉
銀河多少天涯縹緲正沙尾風回柁牙雲繞臘得瓊簫豔詞
難付小紅了長橋舊游在否兩三株斷柳曾倚孤檣病枕

支愁征衣澣淚誰信如今懷抱江湖歲杪羨畫裏閒身一襲
歸早隱約遙山睡猶休更埽

阮郎歸

吳門寄家書

闔閭城下漏聲殘別愁千萬端蜀牋書字報平安燭夢和淚
彈無一語只加餐病時須自寬早梅庭院夜深寒月中休
倚闌

滿江紅

夜泊京口

如此江山儘容我舵樓吹簫有誰更擊冰夷鼓鼓湘靈瑟檣
艣灰飛風卷籀英雄事去沙沈鞍問月明何處是揚州寒潮
拍桑海換蛟宮泣城市遠鼉更澀蕩鱗波萬頃送迎殘客

香霧雲鬟歸夢冷金支翠羽諸天寂望故園祇在去鴻邊無消息

壺中天

元夜宿富莊驛

峭寒隨馬指疏林盡處暝投孤驛短楊塵栖風自掃酒薄禁
愁無力窗紙達飄鑪灰荻冷鐙閃題詩壁燕南趙北可憐今
夕何夕 凝想簫鼓春城圍香倚醉多少閒蹤迹夢影迷離
天未曉鈴語東東催客印月虛廊敲梅小院到此都休憶長
安近否夜闌應有人說

虞美人

鄭州作

積雲寒結燕支紫立馬王嬙里聚林一抹亂雅嘯嘯到打更

時候更悽悽 紅酥手與黃滕酒往事空銷瘦
燕姬攏裏擷琵琶不許離人今夜不思家

國香慢

豐臺芍藥豔稱北地余未及往觀買折枝插膽鉸
誰夷則商一曲贈之

一翦春明乍靚妝
勦舞獨步瑤京豐臺舊家何處買
斷傾城露眼怯風還閉向人似中酒初醒
繡華總如夢已是將離誰管飄蕩
惜粵心較嬾任醑醺
謝後曉老殘鴛此身猶客金屋難貯芳卿
欲託敗波贈遠恨多情卻又無情
看看兩蕉萃粉豔塵緇相對愁生

清平樂

客中心緒只怕流年去纔見河橋飛柳絮
又是榴萼端午

醉眠休恨嘯雅伴人明月窗紗歸夢不如不作醒來依舊天涯

鵲橋仙

涼篷

聳如樓閣圍成幰箔放眼全無寥廓客心不耐十分涼恰遮得秋陰漠漠風聲牢落雨聲滴洌昨夜何曾睡著小窗還有看殘書幸卷了斜陽那角

冷布

價廉難長名虛誰勸學作方空模樣何勞寒女九張機算結箇千絲越網火雲散障金風又掠繭紙先應摒擋輭紅塵裏熱人多也不稱紗幘羅幌

響竹

劃絲成挺連簫作柄機拂輪他清勁須知破竹有先聲更誰
許蒼蠅縱橫 驀過無影轉來不定子細窗櫺屏燈灺湘風
韻欠些兒怎獵獵驚喧晝靜

冰桶

車聲朝急斧痕新劈多少夏蟲驚逸等閒忘了歲寒盟只不
過銷磨一日 玉山敲側凍泉淅瀝移近槐陰藤席底須浸
手熨心頭我本是清涼胸膈

買陂塘

澄懷園看荷萼

問何年移根太液冰姿隔斷塵土輕雷塘外鳴珂散吹盡柳
隄殘暑天澹佇逗葉葉新涼扇子湖邊雨瀛洲尺五是綵仗
分紅宮溝沁綠香影漾嫌戶 淺波去按徹霓裳勸舞無言

解笑人否碧簫冷注蒲萄釀中有九重仙露畱客處任醉折
筇枝容我閒漚鷺橋灣信步併幾箇蜻蜓一叢紫蓼寫入晚
晴賦

浣谿紗

京邸秋思

九陌輕塵散鈿車五更殘夢怯悲笳西風吹我落天涯象
笏烏絲題影事酒旗歌板送年華夕陽紅到馬纓萼

憶舊游

殊鄉畱滯歸夢屢訛寄此爲西湖魚鳥問

是漚波寫夢雁路尋詩冷落江湖問訊東橋竹悵故人別後
一紙書無舊家渺渺天末煙月老菰蒲甚嬾賦長楊慵吹短
篷側帽騎驢何須怨漂泊縱不爲鷺鷥也戀尊鱸昨夾西

風緊憶夫容江上相喚提壺任教醒了還醉心事水雲孤待
說與歸期瀟瀟暮雨唳鷓鴣

埽粵游

九日懷歸

趙霜雁緊送一陳新寒客衣催絮歲華易度憶東籬喚酒故
山游侶鬢影西風誰訊長安勸旅暗凝竚正落葉滿階滴碎
秋雨歸計多聞阻便悶過重陽幾時能去錦牋寄語倩唳
蟹爲我織成愁句翠被餘醒鄉夢何曾慣作夢中路晚蕭蕭
薊門煙樹

壺中天

葉午生比部同年歿於京邸以詞哭之午生名元堉
有海蘅軒詞聲調嫺麗又鄞人故擬之夢窗西麓云

句章城郭有侵娟接舞魂歸來只夢醒桃根應錯問胡蝶可
憐粲底夜壑吟孤絳都春老餘恨空流水日湖牘橐於今誰
爲料理 知我已十年前素弦彈折更灑銅仙淚忍倚新腔
西子慢愁落野鵲聲裏如此江山不容詞客寂寞人閒世貂
裘背雪勸游行且休矣

點絳脣

歸舟過淮安

雪映清流望中了了長淮樹雁聲隨舫重到江南路 寂寞
空臺尚有漁竿否孤城暮水寒風近早挂輕帆去

長亭怨慢

經年雁旅歲晚言歸慨念平生短歌當哭不獨爲三
徑之荒也

更不信江南天闊散髮行歌敝裘寒裂款竹門荒翠尊金縷
久銷歇此身如葉儘蕭落何須說若遇舊盟漚莫訴與年來
蹤迹 愁絕對琴絲鬢影髣髴夢游時節玉梅綻否怎檐角
半枝枯折恨夕陽有限黃昏便卷盡一林殘雪縱盼到春風
容易綠陰唳鵲

霓裳中序第一

檢故篋見亡姬遺扇

湘筠展翠疊冷落金泥雙睡蛺蝶曾伴冰肌素靨是水榭嫩涼
桐陰數月清歌易闋悵麝沈同鐫吟篋如今賸枕函鏡屨一
樣暗塵駢 悵絕自開還摺怕沁染唳鵲淚血經年蕉萃恨
結酒膩紅銷粉蠹香滅玉京人怨別聽夜夜桃笙夢咽傷心
認飛瓊小字忍對譙孃說

壺中天

二十五離騷爲千古詞人哀怨之祖乃小山之徒謂
其文昇天乘雲似若仙者噫然耶否耶余伊鬱塊居
頗爲飄風所阨閒有撰述遂多悽戾之音拮拾作此
亦將索筵簞而問之更不願彼狷狷者見也

天平難問載雲旗五色逢迎山鬼息折瓊枝嗟遠道羌與蹇
修爲理飲石泉兮入修門些上下悠悠只悲哉秋氣傷心極
目千里 眾女謠諑蛾眉無南無北到處機蓬矢叢桂連蜷
招隱士歲晚淹留何事蘭櫺蓀燒螭驂虬駕我欲歌離世正
咸夕降卜居惆悵誰是

憶雲詞丙稿

憶雲詞丁稟自序

患難以來人事有不可言者癸巳下第南歸已徧歲除甲午
春葺燼餘老屋數椽偃臥其中顏日睡隱讀書之暇惟仿雱
間小令自遣而已今年正月再上春官此事遂廢甯京師五
十日而去還我睡鄉始檢舊稟次爲一卷嗟乎當沈頓無繆
之極僅託之綺羅薌澤以洩其思蓋辭婉而情傷矣不知我
者卽謂之醉眠夢嚙也可乙未閏六月二十一日書於睡隱
盦蕉雨聲中

憶雲詞丁橐

錢塘項廷紀蓮生撰

仁和許增邁孫校

菩薩蠻

擬溫庭筠

穀煙籠暝霏香絮瓊疏悄度黃鸝語記得送君時海棠紅亞
枝 麝塵金鈿暝燭影和衣卷蘭夢一春閒枕屏無數山
粉雲低襯流蘇薄鳳窠長簾金釵落鸞影過秋千畫堂人畫
眠 錦帆消息斷日日停刀剪半裏繡鴛鴦幾時成一雙
舊絲沈水茱萸冷輕綃淺約蛺蝶領人瘦晚風天鞦韆雲兩
肩 眼波嬌欲潤揜溼飛鸞裏愁理玉韉笙一聲無限情
柳絲遮斷行雲路珊珊一陳橫塘雨雨後燕歸梁溼紅嬌晚

妝 茜 羞 愁 不 擁 疊 損 金 泥 鳳 纔 得 夢 來 時 月 中 呢 子 規
玉 驄 嘶 過 垂 楊 陌 停 鞭 卻 繫 朱 樓 側 和 笑 出 門 迎 嫩 霞 雙 臉
明 粟 鈿 金 夾 膝 帶 綰 迦 陵 翼 燈 燼 璫 窗 寒 酒 醒 更 漏 殘
絲 陰 鋪 地 無 人 影 烏 龍 自 在 眠 莎 徑 多 事 卷 羅 幃 滿 階 胡 蝶
飛 回 文 挑 錦 字 斜 界 行 行 淚 難 話 此 時 心 恨 深 愁 更 深
夕 陽 山 映 宮 黃 類 杏 萼 樓 外 春 蕪 碧 萼 命 薄 如 人 峭 風 吹 作
塵 日 長 榆 影 瘦 幃 漾 晴 波 綰 腸 斷 揜 金 鋪 近 來 腸 也 無
如 今 不 合 江 南 住 江 南 處 處 多 煙 雨 煙 雨 晚 霏 霏 冶 游 人 未
歸 犀 株 防 膽 怯 玉 筯 揉 藍 澁 愁 似 暗 潮 生 自 生 還 自 平
幃 轡 金 井 雅 呢 曉 映 幃 紅 日 梳 頭 早 聞 道 尺 書 來 錦 牋 和 淚
開 如 何 歸 計 誤 南 下 瀟 湘 去 望 斷 艸 芊 絲 雁 飛 秋 滿 天
鈿 箏 弦 促 銀 簧 凍 雁 釵 犀 帶 愁 香 重 此 夕 黯 銷 魂 月 中 斜 閉

門 冷霜凝縹瓦香辟秦篝炷夢見更相慰不如無夢時

訴衷情

又

鶯囀幺卷春睡短宿醒銷愁日算虛度可憐宵銀漏隔等遙
迢迢篆鑪心字焦卸蘭翹

更漏子

又

萬腸纖花骨輕一枕淚光紅泣愁信息繡工夫夢殘曉鷓鴣
當時錯如今莫情比秋羅更薄霜裏角月中更行人聽不
聽

臨江仙

擬南唐後主

亂紅翠地春無主宿寒還戀屏幃夢中何日是歸期玉臺金
屋空逐綵雲飛 煙月不知人事改爽深來照萼枝蕙鑪香
燼漏聲遲闌珊鐙火殘醉欲醒時

山礬子

擬和凝

醉纈紅綃約翠鈿碧蘿籠月伴秋千今夜新寒分一半到郎
邊 蠻蠟同心搖翠幌蜀箏纖手振朱弦學囀春鶯渾不似
似曉鵲

采桑子

又

鏤金蹙霧紅衫薄妝罷嫌遲出繭雙眉不遺春愁露一絲
粉牋銀沫雲藍滑待寫新詞半餉尋思閒教丁香畫雀兒

圍碁雙陸無人對自理牙籤卻展香奩又是銷魂昔昔鹽
春心滴碎薔薇雨遲日淹淹酒病新添燕蹴飛拳喚卷幰

浣谿紗

擬韋莊

幰軸花陰晚日趨纖纖蹙損遠山螺箇人歸計太騰挪莫
待柳絲吹作雪可憐桃葉去隨波無情無緒奈春何
蕩葉風多四面吹素馨香重兩鬟垂簾紋如水漾呆思道
是日長偏易晚不曾午睡又難支可能消受夜涼時
新月娟娟孕綺霞征鴻貼貼下平沙已涼天氣好恩家悵
望銀河空渡鵲厭聽金井亂曉雅夢魂尋不到天涯
又是同雲釀雪天獨兒嫌冷喚愁眠爲郎蕉萃有誰憐檀
板勸釀金縷曲繡衾虛費水沈煙不應忘了過新年

清平樂

又

蕭然如醉疊枕和衣睡卻憶去年今日事畫燭替人垂淚
月明依舊房櫳麝帷寒減香筒賸得一枝梧葉能禁幾日秋
風

浣谿紗

擬薛昭蘊

荇帶牽風作晚涼柳絲拖水溼斜陽平林漠漠遠煙黃雙
槳送人何處去最無情是櫂船郎兒家不合近橫塘
半臂銀蟬韻字紗兩鬟鈿翠粉雲斜紅絲穿淚沁琵琶
日綠窗閒睡穩不知開到玉簪彎病來幺外是天涯

夢江南

擬牛嶠

銜泥燕依舊小
臂身尋徧雕梁
栖未穩杏勢
蕊落一階塵難
問去年人

紅繡被錦段是誰裁
象齒熏鑪寒不擁
夜溪畱待夢魂來推
枕落瓊瑰

西谿子

又

聽說歸期春半愁
黛兩蛾新展隔幃櫳
風弄暝吹酒醒瞥見
一枝紅影海棠開不曾來

醉花閒

擬毛文錫

愁君去看君去君去誰畱
佳明日一帆風不見長干樹
曲

廊攜手處後會知能否除了莫相思
那有閒言語
書難寄恨難寄難寄盈盈淚判作負情人
翠被籠香睡
舊懽應忘記
舊地還提起
秋雨五更頭冷在心兒裏

三字令

擬歐陽炯

寒食近燕歸遲下羅帷閒繡
誰罷彈碁柳惺忪等黯澹月生
時臨別語寄來詩自追思
銀燭背斂蛾眉七弦心雙枕淚
有誰知

醉公子

擬顧夔

燕踏幺鉤語郎躍紅鸞去
待到月朧明數殘更點聲
枕蟬銀縷細
鬢香雲膩
一夜苦相思
怎禁離別時

訴衷情

擬魏承班

細鉤碧繖隱輕雲纖纖新月痕
落徑滑步香塵夢影弄黃昏
空憶比肩人見無因藤絲偷罥
砌羅帶暗銷魂

後庭夢

擬毛熙震

銀雲櫛櫛明瑤殿玉壺傳箭
羊車夢逐簫聲遠桂宮宵讌
舞鸞鈿匣曉妝泣翠衾羅扇
題紅莫訴秋風怨忍教人見

酒泉子

擬李珣

獨上層樓燕伴黃昏鸞伴曉
錦氍毹金了鳥鈿箜篌
桃萼月淺春寒重睡香小
鼻蘭膏凍有時思有時夢
有時愁

生查子

擬孫光憲

嬾起整妝遲悶繞闌干徧經雨小桃枝
蕊落春風面 鈿蟬
箏金雀扇繡榻凝塵滿只得一絲情難繫郎心轉

謁金門

又

畱不得畱也不過今日今日雲帆天咫尺明朝何處覩江
上潮平風急吹斷幾聲殘蘼獨倚小樓寒側側欲眠鐙又黑

胡蝶兒

擬張泌

胡蝶兒小簪支粉香蕊落翅雙垂晚風幺卷遲 命短春三
月等寒瘦一枝可憐不到夢醒時斷腸君不知

桺枝

又

抱月飄煙一尺臂
掌中嬌晚出閒庭
整翠翹摘紅蕉
珠露穿絲交影細
蜘蛛墜尋恩七夕
是今朝轉無慘

應天長

擬馮延巳

枕屏生綠山睂展
薄睡起來攷帶勑
鵲聲喚鷺聲怨
等落絮飛春不管
宿妝臨鏡嬾閒了
粉奩香盃道是愁
深病慣如何心緒亂

南歌子

倣溫尉體詠燭幰香鏡

對面嫌光偏
回身見影單
等落小屏寒
寸心灰欲盡
淚闌干

夢影層層碎鑪煙細細吹誰織恨千絲只愁遮不斷兩相思
茜被何曾暝銖衣爲底熏一縷博山雲曉風吹得散是離魂
有分知儂瘦何時共汝圓妝罷黯畱連可憐空見慣意難傳

浣谿紗

誦阿灰黃昏散雨之句感而作此

愁砌雲藍賦惱公如今骨出似飛龍四年惆悵杏萼紅天
上人閒春寂寂東鷄西鰈去恩恩相恩無益悔相逢

浪淘沙

題李後主詞後

樓上五更寒風雨無端愁多不柰一生閒莫問畫堂南畔事
如此江山鉛淚洗朱顏歌舞闌珊心頭滋味只餘酸唱到
宮中新樂府杜宇呢殘

采桑子

讀金荃詞題後

豔詞空冠雋閒集不上雲臺卻上陽臺一讀南華事事乖
謾郎折齒狂猶昔紅粉成灰蠟炬成灰賸得閒情賦錦綵

憶雲詞丁棗終

憶雲詞刪存

補遺詩詞增

錢塘項廷紀遵生撰

仁和許增邁孫輯

齊天樂

雨後游理安寺

夢中記得登山約風聲雨聲催醒出郭濃陰平隄新漲此去
柴桑邨靜寺門深迴臘滿地蒼雲馬蹏不穩人語吹來重樓
高倚萬松頂還向虛亭坐久聽泉穿徑竹塵念都冷猿定
安禪鳥哢入梵只有老僧心領經牀試茗卻回憶年年總孤
清景猶是尋詩一鐘煙外暝

如夢令

幾夜翦鐙聽雨幰卷落紅飛處那更替籌愁春要舍將人去

無緒無緒一院殘鴛新絮

秦樓月

梳頭曲

風珊珊玉人梳洗臨窗閒臨窗閒柳絮飛過一陳輕寒
海棠折得簪雙鬟水晶簾下眉彎彎眉彎彎友來新月畫與郎
看

浣谿紗

虛說盧家白玉堂可憐三十六鴛鴦誰將消息報王昌
曉夢怕逢懽處醒春宵偏是別來長怨郎無益轉慙郎

醉太平

雲邊露鐘等邊絮風月華初轉樓東卻彎彎一弓
題書淚紅絨書恨重醉魂飛出幰櫳到卿卿夢中

齊天樂

重陽得小鶴從叔都門信

山城幾夕無風雨依然悶過重九鞠冷荒畦橙香小院客裏
暗驚時候茱萸插否問今日登高共誰攜手空有書來加餐
兩字置懷裏江南歸夢路遠吳霜新點鬢休更搔首銅輦
秋吟金盤曉淚相見定憐詩瘦數聞別後困京洛緇塵壯游
非舊事事銷除不銷除是酒

清平樂

題客窗話雨圖

雁紅蟬碧涼雨生秋夕畫裏雲山天咫尺都是勸游蹤迹
少年銀燭謾樓如今襤被孤舟皺得一痕煙墨不知多少離
愁

摸魚子

庚辰歲暮同人議復巢居閣明年二月落成送林先生象入祀閣下許玉年乃穀以詞紀事予亦繼聲

幸先生移居未遂孤山終屬和靖玉簪也抱冬青恨名士幾
人心冷還試省記凍雨荒祠遺象今誰認重來繫艇怕梅隲
栖雲鶴闌占水倒浸一樓影巢居閣結屋編籬牕定小窗
邀我同凭他年野志披嘉話賸有君詞爲證都莫問且倚醉
臨高酒薄風吹醒暗香半嶺正清磬初圓畫船催散月到萬
峯頂

百字令

擘橙

清芬透甲記新橙初擘去年時候只怕慙慙秋又老籬菊滿

園鋪繡雨後曾移霜叢小摘攜得香盈裏有人消渴夜寒猶
帶杯酒應怕酸也如梅黃纔勝橘搓了還重臭慣識書生
滋味冷齒輒不禁眉皺卻到而今宿醒自解誰管吟詩瘦并
刀似水破來長憶纖手

臨江仙

題畫

暝色一川誰管領落霞點破空明枳籬開處釣船橫晚涼荷
葉浦數雨豆萼棚載酒江湖無長物藥鑪詩卷茶鐺此生
定與白漚盟浮家秋水闊歸夢曉雲輕

女冠子

閨中禮佛詞

戒香溫鼎禪味近來新領未眠時燭影穿幰絢經聲出院遲

但求無障礙同證有情癡一段閒中意月明知

滿江紅

九月十四晚乘月過虎跑憩小池上見寺門未闔閒
步近客堂有阜衣高冠者呵禁甚厲問老僧知當軸
諸貴人讌兩試官於此始憶城中放榜又三日矣一
笑紀此

獨有常娥不笑我青衫依舊正相伴寺門乞茗野橋沽酒小
隱竟成丁令鶴學仙羞逐淮王狗趁夜涼來叩遠公房驚而
走蓮座倨蠻獅吼松徑僻驕驄驟只維摩病瘠見人搖首
身賤自遭奴隸薄心閒好與谿山友惟秋墳鬼聽忽擲揄顏
之厚

清平樂

題勸繡圖

無端懊惱窗外鷺鷥曉
嬾去蹋青遲
鬪艸門掩東風春老
繡絨睡上
等枝紅牋寫徧
新詞想是恹恹酒病
被人喚作相
息

徵招

題錢蕙窗丈桐槐舊館圖

茶煙半榻書連屋
幽溪別開池館
柳下慣維船
記柴門曾款
陂塘秋未老
正風裏露華香滿
幾蹋槐
等幾題桐葉
鬢絲偷
換
金粉憶南朝
移家後定有新詩
盈卷高閣枕江流
卷濤
聲不斷
夢游
息往事儘分付
傳神翠管
寫故園一片斜陽
怕
算雅
嘯亂

齊天樂

癸未六月送葛秋生偕許訊岑之吳中卽爲秋生題
橫橋陰館圖兼屬訪王子若消息蓋圖爲子若玉年
合作也

湖山不醒笙謠夢難觴又催南浦聽鼓官津聽鐘野寺聽到
垂虹風雨荷鄉未暑有丁卯同舟載將詩去賸我無聊登高
懷遠更陰苦橫橋誰念舊侶城南天尺五今日韋杜鼃禁
移家漚波泛宅一樣年年羈旅爲君細數算楚尾吳頭勸游
重賦問訊王郎別來相憶否

清平樂

集句贈別

倚闌凝佇點點飛紅雨欲減羅衣寒未去寂寞朝朝暮暮
桃源落日西斜畫橋平接金沙春水無風無浪行人一櫂天

涯

摸魚子

再詠柳

正蕭疏冷楓吹盡驚寒又掠江渚舊時青眼曾相識可惜年
華遲算君看取看隄上高樓紅裏還凭否離愁滿樹賸冉冉
斜陽羅羅遠水點點暝雅去春前怨誤向章臺夢雨綠窗
多少人妒如今羞見東風面悔不學他飛絮隨陌路吹散
漫天漫地無尋處斷魂幾許只燕燕鶯鶯者回重到定訴此
情苦

金縷曲

天癭集題詞

夢斷霓裳闕是天風忽然吹下廣寒宮闕銀浦流雲三萬頃

誤了兩番游歷問靈藥偷來何益青女素蛾齊掩泣痛文簫
不上神僊籍明鏡碎寶釵折 星房想更添愁絕望人間霜
零刺骨雨飛成血縱有義和知此意一夜玻璃敲缺已難抵
今生離別回首玉京樓十二賸年年淚灑關山月千古恨幾
時雪

又

題顧小巖江鄉春醉圖小巖名安蘇州人曾任南河
百夫長去官二十年矣今居阜河隄畔黃蘗嶺以止
行客性嗜酒酒酣輒憶故鄉自言異日幸醉死當埋
我靈巖山下因以此圖爲息壤云

山髮三千丈正江鄉春風幾日鷺鷥無恙斷送一生惟有酒
獨撥牀頭新釀算未改沈雄跌蕩馬稍不教兒輩學悔當年

誤作封侯想髀裏肉撫還長 長安結客心猶壯向鏡前吳
鉤細看楚歌重唱說盡平生肝膽事只有故園難忘官容我
再來攜杖若使劉伶真醉死怕靈巖山水都惆悵先寫在畫
圖上

南鄉子

爲葛翁題寒邨買醉圖

山鳥勸提壺拍手羣兒笑老夫短髮行謔誰是伴蕭疏只有
風前柳一株 醉倒不須扶明日頭銜署酒徒細雨城南泥
滑滑歸與且喚僧繇畫作圖

臨江仙

秋閨卽事

一架牽牛萼褪了日長亭院秋清雲羅低抹遠山青疏疏小

雨涼透木犀屏 薄睡起來添半臂夕陽又照西櫺夏無人
會此時情自鈔宮謹閒品玉韉笙

點絳脣

春盡日

一樣春風杜鵑催促鴛鴦戀落萼如翦吹滿閒庭院 南陌
東城到此芳情減朱門揜雙雙歸燕怕有人愁見

菩薩蠻

戲仿元人小令

夜來風似郎蹤惡曉來雲似郎情薄窗外柳飛絲問郎心那
邊 誓盟全是假只合將鸞打見面說相恩知人知不知
右詞二十三闋從憶雲詞初刻本刪存鈔補

摸魚子

題秋江采魚圖

染空青垂垂細柳絲繫夢多少釣竿欲拂珊瑚樹忍向江
湖終老畱畫臺有詞客關情淚滿池塘艸煙昏露曉恠妙筆
通靈飛鴻一去難認舊時爪誰收拾錦軸籤題尙好竹林
小阮重到易珪還硯尋常事翰墨因緣易了休懊惱記出水
芙蓉曾寫黃筌照遺蹤未杳倩漁弟漁兄尋消問息相見其
傾倒

洞仙歌

題湯德媛

漱玉

寒閨病軀圖

玉梅三九尙恹恹嬌困疏了細匳木瓜粉倚熏籠數暝藥碗
濃香應未減較帖量茶風韻起來呼半臂擁鼻沈吟雪意
垂垂幾時準閒煞畫眉人淺惜輕憐寫多少無題詩本且莫

任雙鬟拓紗窗禁不住黃昏峭寒一陳

右詞二闋從汪小米遠孫所編清尊集鈔補

感懷四首

豈有高軒客過門小庭零落自朝昏黃金盡後餘詩債白衿
閒來賸酒痕文字祇今工作祟故人幾輩待招魂不知眉黛
療飢否且著相如憤鼻禪

人物難居第一流十年磨劍未封侯虛聲偶作陳驚座佳句
終輸趙倚樓已爲畫舫遭眾嫉祇知入勝被人羞眼前豎子
成名早七尺車還擁八騶

一代宗風小唱提幾人身到浣零谿才癡誤解三更棗心熱
空窓六月齋擬判此生同涸鮒可憐公等亦醯雞笑顰盡覺
東施好今日風流不屬西

釧動顰飛久悟禪填詞奉旨更何緣經過碧海人疑月悵望
紅牆路隔煙篋裏有文羞罵鬼枕中無藥悔求仙勞勞誰是
憐君者悽絕吳興沈下賢

右詩四首從吳仲雲尚書

振武

所編杭槎詩續輯鈔補

西谿晚宿

西堰梅顰路夕陽谿水明下帷延竹色倚枕聽松聲小市人
煙遠疏林鳥夢清倏然絕來往門外月華生

湖上卽事

孤嶼平隄接重城一水環湖明疑浸日雲薄不遮山穉柳如
人弱嘯鷺笑客閒畫船乘雨槳酩酊載春還

秋夜寄遠

顰遠靜冥冥秋聲已滿庭風連萬戶竹月澹一池星夜永鐙

先盡窗寒酒易醒南飛有征雁寥落不堪聽

右詩三首從潘嶧岑學使

衍桐

所編輯軒續錄鈔補

葛秋生橫橋吟館圖予既填臺城路一闕於卷尾卽
席復成小詩書後

獨畱蹤迹白漚知載酒江湖定幾時此去幸無千里隔論交
已恨十年遲坐中我亦秋風客畫裏君徵舊雨詩最苦橫河
橋畔柳如今多少折殘枝

右詩一首從葛秋生

慶曾

橫橋吟館圖卷鈔補

過性上人蘭若

得閒來問訊便覺老僧忙琴爲繙經廢茶因覩句嘗引泉通
野圃移竹放斜陽了悟無生理看雲臥石牀

無題

春風吹柳色綠到武昌城鏡裏蛾眉改書來馬角生別多愁
有路境苦夢無情君看彈碁局應知心不平

題南湖慧雲寺

昔年歌舞地今奉水仙王老樹依官道殘碑立夕陽西湖幾
興廢南內久蒼涼猶贖前朝寺梅花莫斷腸

右詩三首從丁氏八千卷樓鈔本鈔補

憶雲詞刪存

補遺增

憶雲詞刪存

補遺增

重刻刻憶雲詞書後

先生姓項氏名廷紀鄉舉名鵠祚字蓮生道光壬辰舉人幼失怙艱苦力學弱歲已有聲庠序閒性沈默寡言語不樂與人訓酢每同輩狎集終日無一言微笑而已喜填詞奉花閒爲宗旨以爲詞之有晚唐五代猶文之先秦諸子詩之漢魏六朝也故所著小令抑揚抗墜之音獨擅勝場蓋浸淫於此久矣憶雲詞丁橐一卷皆擬韋昭辭昭蘊諸人之作循繩引墨不失累黍先生嘗語人曰予詞可與時賢角一日之名其自負如此嗣以家燬於火奉母北行途次母與姪皆歿於舟中號擗旋里幽憂之疾因此益深旣領鄉薦再上春官不得意歸卽病病遂不起此道光乙未秋閒事年才三十八歲噫天酷斯人亦云至矣自訂憶雲詞甲乙丙丁四橐亂後故籍

灰燼從臧書家銳意搜索僅得甲乙而無丙丁十數年來徧
覓不可得近始於閩中展轉傳錄若有冥契焉解衣得珠爲
之狂喜亟付手民遂吾初願先生所著詩無端集近更無可
聞津先後鈔存十餘首憶雲詞初刻刪存詞二十餘闕未刻
詞兩闕零璣寸羽尤足錙貴茲附刻於詞集之後并從汪氏
所藏東軒吟社圖摹先生象冠於首俾後之學者知所瞻慕
焉光緒癸巳八月仁和許增邁孫謹識時年政七十